

淨土十要

十要四册附本一册共五册

第八要

寶王三昧念佛直指

第九要

淨土生無生論

附續生無生論

淨土法語

附省庵菩提心文

附圓觀等傳

原本

淨土十要

第三册

慧元敬題



阿彌陀佛百頌 四三至五五

阿彌陀佛三十七願。聞我名者。天人致敬。阿彌陀佛三十八願。我國衣服。隨念卽至。阿彌陀佛三十九願。國人受樂。一如漏盡。阿彌陀佛第四十願。國中寶樹。見諸佛刹。阿彌陀佛四十一願。聞我名字。諸根無缺。阿彌陀佛四十二願。聞我名字。得淨解脫。阿彌陀佛四十三願。聞我名字。得勝妙福。阿彌陀佛四十四願。聞我名字。具足德本。阿彌陀佛四十五願。聞我名。得普等三昧。阿彌陀佛四十六願。菩薩隨願。各聞妙法。阿彌陀佛四十七願。聞我名字。得不退轉。阿彌陀佛四十八願。聞我名字。得三法忍。阿彌陀佛發誓願已。地動天驚。佛聖歡喜。

阿彌陀佛百頌 五六至六八

阿彌陀佛。願雖六八。一一願中。數含塵刹。阿彌陀佛。誓願無疆。  
豎窮三際。橫徧十方。阿彌陀佛。慈悲難量。德逾天地。恩深爺孃。  
阿彌陀佛。特啓淨宗。九界衆生。悉皆景從。阿彌陀佛。興無緣慈。  
普令凡聖。同證菩提。阿彌陀佛。運同愷愷。九界衆生。同蒙提持。  
阿彌陀佛。在因地中。具修萬行。期副初衷。阿彌陀佛。修淨土行。  
一心虛寂。三業清淨。阿彌陀佛。修行施度。內外俱捨。心無所住。  
阿彌陀佛。修行戒度。持犯俱超。眞性徹悟。阿彌陀佛。修行忍度。  
我見既空。何有違忤。阿彌陀佛。修行進度。一念不生。萬行俱備。  
阿彌陀佛。修行禪度。動靜體離。惺寂莫附。

寶王三昧念佛直指總目

卷上

極樂依正第一

斥妄顯真第二

附真妄心境勝劣圖說

訶謬解第三

正明心佛觀慧第四

道場尊像念佛正觀第五

闢斷空邪說第六

開示禪佛不二法門第七

示諸佛二土折攝法門第八

勸修第九

卷下

勸戒殺第十

勸持衆戒第十一

勉起精進力第十二

正行第十三

別明客途所修三昧第十四

三昧儀式第十五

揚佛下化之力第十六

十大礙行第十七

羅顯衆義第十八

獨示一願四義之門第十九

示念佛滅罪義門第二十

略示列祖行門第二十一

正示迴向普勸往生第二十二

附破妄念佛說

# 靈峯萬益大師選定淨土十要第八

述曰。聞夫法外之異見易除。法內之異見難滌。慈氏所謂謗菩薩藏。說相似法也。淨土法門。如大小權實諸疑。皆自外來者也。胥徒入境。望爲敵國。壁壘雖堅。而亦可攻。唯認自性彌陀。唯心淨土者。以虛妄識神爲自性。以胸中緣影當唯心。癡守迷情。妄撥身土。此自內發者也。以法謗法。真似難明。襲我旌旗而來。人皆認賊爲己。在昔像季。此說尙未熾然。末法漸深。毒氣漸慘。古今師匠。未有認定此瘡。以爲時證。而專治之者也。妙喜老人。痛呵默照邪禪。掃清黑山鬼窟。妙叶禪師。著念佛直指。暴斥土外立心之謬。二師所治者。同一病。所投者。同一藥。所顯示者。同一不思議心性。而淨土尤難。良以自性二語。乃諸祖誠言。天下古今所共據。奸生肘腋。多易忽難圖。舉國皆狂。每一呼衆譁。余讀十疑。或問。以迄直指。深歎運愈移。人根愈陋。時日降。見網日張。所幸至人出興。恰應時節。蕭牆禍起。幹蠱誕生。十方廣長。無處不徧。諸佛恩德。其在茲乎。謹奉直指。次天如禪師。或問而流通焉。至於此書顯晦之緣。詳在別序。

今調西齋詩於第七。此則次西齋詩後。

### 重刻寶王三昧念佛直指序

念佛三昧，所以名爲寶王者，如摩尼珠，普雨一切諸三昧寶。如轉輪王，普統一切諸三昧王。蓋是至圓至頓之法門也。始自華嚴，終至法華，宗教指歸一代時教，無不讚揚此寶王三昧。始自文殊普賢，乃至永明楚石，一切菩薩聖祖，無不修證弘通此寶王三昧。而世之昧者，猶以爲自性彌陀，非卽樂邦教主，唯心淨土，不在十萬億西。妄認六塵緣影爲自心相，全不知十方世界，一一無非卽心自性也。可不哀哉。元末明初，鄞江有大善知識，厥名妙叶深憫。邪見述爲念佛直指二十二篇，世久失傳。故雲棲老人每欲見之，而不可得。神廟年間，古吳萬融禪伯，偶于亂書中，得此遺帙，與唐飛錫法師所撰寶王論，同爲一編。皆雲棲老人所未見也。韓朝集居士，先刻寶王論板，置于雲棲。予續刻此直指板，畱于佛日。客歲幻寓長干，有車密蕃居士，秉受歸戒，聽講唯識心要，及南岳大乘止觀，遂專心修淨土行。今夏禁足九旬，執持名號，因念今時狂妄之徒，薄視念佛法門，以大悲心，手輯古今淨土法語一冊，名曰念佛須知，分爲信解發願修行證驗四門。蓋信願行三，乃生西之要筏，而證驗，則舉果以勸因也。節錄甫

成。適予應祖堂請，重到長干，遂虛心乞予讎校可否。予曰：居士之志則善矣，但淨土法語，從古迄今，充楹積棟，曷擇其簡切精到者而流通之，不尤易取信乎？以予觀居士命名立科之旨，則叶師直指最爲相似。何以言之？彼第一極樂依正第二斥妄顯真，第三訶謬解，乃至第八示折攝，皆居士所謂信解門也。第九勸修，卽居士所謂發願門也。第十勸戒殺，乃至第十八羅顯衆義，皆居士所謂修行門也。第十九一願四義，謂戒解行向，是重申以願攝信行也。戒亦是行，解卽是信，向仍是願。一願便具四義，四義乃滿一願。明信願行，本非條別。願居於中而統前後，厥義彰矣。第二十示滅罪義，第二十一示列祖行，皆居士所謂證驗門也。第二十二正示迴向，普勸往生，例同經論有流通分。從始至終，雅合居士之旨。若此，居士何不捨己從人，樂取於人以爲善乎？於是居士踴躍歡喜，再拜稽首而謝曰：某乃知妙叶大師，先得我心之所同然，又能發我之所未發也。今得奉此遺編，誓當刊布流通，用薦先人，早生淨土。又願普與法界有情，決定信入此門，永不退轉。請更序厥緣，以爲同志者告。噫，如車居士，亦可謂勇於自利利他者矣。讀是書者，慎勿負此苦心也哉。庚寅冬十有一月之吉，古吳蕩益道人智旭識於祖堂幽棲寺之大悲壇右。

清順治七年



寶王三昧念佛直指總目

卷上

極樂依正第一

斥妄顯真第二

附真妄心境勝劣圖說

訶謬解第三

正明心佛觀慧第四

道場尊像念佛正觀第五

闢斷空邪說第六

開示禪佛不二法門第七

示諸佛二土折攝法門第八

勸修第九

卷下

勸戒殺第十

勸持衆戒第十一

勉起精進力第十二

正行第十三

別明客途所修三昧第十四

三昧儀式第十五

揚佛下化之力第十六

十大礙行第十七

羅顯衆義第十八

獨示一願四義之門第十九

示念佛滅罪義門第二十

略示列祖行門第二十一

正示迴向普勸往生第二十二

附破妄念佛說

# 寶王三昧念佛直指卷上

并序

明四明鄞江沙門妙叶集

念佛三昧稱爲寶王者。蓋於一切三昧之中。最上三昧者也。首獨唱於廬山。後徧流於天下。歷代所修。往生非一。著文於世。證驗良多。自昔至今。富於編簡。若禪若教。無不尊崇。是聖是凡。悉皆景仰。但末代淺根。因藥致病。以極樂淨土。不求之於西方。而求之於分別緣影。多流此見。內懷痛傷。嗟彼唐喪其功。雖修無感。乃以淨土諸經。及各宗疏鈔。採其奧旨。述以成編。雖其言之不文。莫敢裁於胸臆。自爲警省。敢聞於人。故以寶王三昧念佛直指。定其名焉。

## 極樂依正第一

原夫無上正徧知覺。聖主世尊。普應機宜。從兜率宮降神於世。故四十年中。說法三

百餘會。皆令羣有同證眞常。乃至末後靈山會上。方說法華。俾令衆生開示悟入佛

皆法界緣起

之知見。出世本懷。於茲暢矣。然出世度生之道。非但釋迦三世如來。莫不咸爾。而於

釋迦一代施化法門之中，求其所以機宜相感，生佛緣深至簡至易，而功高徑捷者，

此法界第一緣起。

無越求生淨土一法門也。蓋念佛法門，首因法藏比丘，於無量劫前，爲大國王，聞世

自在王佛說法，遂棄國出家而成比丘。其佛復爲廣說二百一十億佛刹莊嚴，人天

善惡麤妙不同等事。法藏聞已，卽於佛前發四十八種大願。願成佛時，國中無有三

途，三毒，八苦，八難，九惱，十纏等一切障礙。生我國者，皆住正定，得忍悟心，解脫勝智

之人。乃至十念得生，若不爾者，不取正覺。其時大地震動，天雨妙花，空樂自鳴，佛與

其記。今已得果，成佛十劫。因昔願勝功德神通，光明力無畏等。超過十方佛號阿彌

陀。其阿彌陀佛所居之國，從是娑婆世界，直西過十萬億國土，名曰極樂。或曰安樂。

今現在彼，以昔大願及神通力而爲說法，攝取十方世界念佛衆生。衆生生者，得不

退轉。刹那尙莫勝數，何況歷劫度脫。其生彼者，有何限極。微塵恆沙所不能喻。其佛

國土莊嚴勝妙，超過十方有諸寶池，隨其大小，皆七寶成。或有大池，其量盈廣，正住

其中，底布金沙，邊鋪階道，其池之上，復有樓閣，千層萬疊，廣博妙好，光明赫奕，不可

具說其池之內，八功德水，香美清徹，盈溢充滿，爲十四支，於諸無量莊嚴具中，尋流上下，出聲演說無量法門，是妙水中，復有六十億七寶蓮華，團圓正等，水注葉間，四色四光，三輩九品，行列次第，香潔微妙，映蔽其國，寶地平正，願力所成，於其地上，復有七重欄楯，七重行樹，寶幢臺榭，旛蓋珠纓，各各無量，殊特妙好，周迴閒列，莊嚴其國。又於虛空，雨諸天衣，天香，天花，天繪，天樂，各各無量，繽紛散漫，徧虛空界，如是無量諸莊嚴具，皆金銀瑠璃，砮磈瑪瑙，毘楞伽，甄叔迦等，金剛摩尼，如意珠王，不可思議衆寶所成，是衆寶內，各放無量百千萬億寶色光王，互相輝映，一一徧照三千大千世界，其光交羅，不相障礙，極虛空際，不可窮盡，如是無量一一光明，一一莊嚴，與虛空中天樂香華，珍禽鈴網，其聲雅正，宮商清徹，鏗鏘應節，流出無量無邊微妙之音，其音徧滿，不閒不斷，悉能演說苦空無我諸波羅蜜，歎菩提道，讚佛法僧，或說念處正勤根力覺道，諸菩薩行，諦緣願度，力無畏等，十八不共，大慈大悲，大喜大捨，不可思議無量法門，其所說法，三世十方依正色心，融通無礙，及勸精進，如佛音聲，等

無有異。其國衆生聞是法已，悉皆念念隨其所樂，速能證入三乘勝行，一切道品，無量解脫。如從佛聞，得無差別。縱是凡夫，聞此法故，自然精進，尙無一念疲倦之心。云何更有退轉？又彼國土，純一男子，無有女人。蓮華化生，不處胎胞，妙服美味，能成法喜。從其所欲，悉隨念至。無寒暑晝夜，無生老病死。無土石諸山，無三途惡道。往來虛空，經行樹下，欲作佛事，示現神通，悉從心念。又復壽命無極。如是種種快樂無極，故名極樂。況復彌陀世尊，功德光明，威神相好，各八萬四千。如紫金山，處大蓮華師子之座，莊嚴赫奕，超過虛空。大海彌盧，所不能及。眉間白毫，功德增勝，如日舒光。衆明悉絕。光中化佛菩薩聲聞，各放光明，遠照塵刹，攝受衆生。彼二大士，亦復如是。文殊師利、普賢大行，諸大菩薩，皆住彼國。一生補處，其數甚多。諸上善人，俱會一處。悉爲良友。以佛爲師。親近慈容，聞第一義，頓超三界，卽證無生。十地高超，二覺圓滿。況能於念念中，供養十方三寶，成就一切法門。遊戲神通，淨佛國土。乃至入於三途六道，舒光破暗，救苦衆生。或復塵刹分身，隨機化導。應病與藥，如佛弘慈。於念念中，圓滿

普賢所有行願。具文殊智。有大勢力。如觀世音。同證菩提。同佛所住。則一切衆生性。雖昏昧。得聞此說。誰不歡喜。而生信樂。然彼妙土。及莊嚴事。雖具我心。若非彌陀如來。於過去世。爲度衆生。行菩薩道。不可稱計。焉得成就。當知彼行願無邊。莊嚴無盡。是故如來居彼國土。大願圓滿。寶土斯成。依正莊嚴。悉皆具足。如是莊嚴依正境界。假使各十方面。百恆河沙微塵刹數。菩薩聲聞。以大辯才。如實稱揚。盡未來時。不可窮極。若善男子善女人。聞如是說。至心信樂。欲生彼國者。應如佛教。圓發三心。具足衆戒。不犯威儀。然後直心。正向觀彼國土一切依正無量莊嚴勝妙境界。及彼如來八萬相好功德光明清淨之身。或復隨取一相一境。乃至如來眉間白毫相光。遠離虛妄。或一念至十念。或一日至七日。譬如壯士屈伸臂頃。卽得往生。其有直信。有彼國土。有彼如來。願力威神。不生疑惑。但能一心不亂。執持名號者。不出所期。亦得生彼。何待色身報滿。然後得生。當知阿彌陀佛。接引衆生。令離苦海。過彼慈親。於先劫中。已立大誓。無苦不忍。無行不臻。無願不立。無法不說。爲度我故。方便百千。今正

是時目睛不瞬垂臂待我。已歷十劫。念念不捨。甚於剖心。乃至其心激切。入生死中。徧歷三道。地獄猛火。不辭勞倦。我若迴心向佛。如子戀母。正慰所懷。則不逾當念。便得往生。何必更經十念之頃。然後得生。

斥妄顯真第二附真妄心

未。法。頂。門。鍼。境。圖。說

行人欲生彼國。出離生死。先當深識求生彼土真妄之心。且謂如是極樂世界。為是在境。為是在心。若在於心。但有虛想。無土可生。若在於境。雖有生處。又復失心。若謂心境二俱求生。則我身心是一。寧生兩處。若謂心境是一。一心求生。則自今心境宛爾。難說是一。又極樂娑婆。淨穢不同。況是世尊垂教。敕令捨穢求淨。一義奚得。四句既不可求。或謂處處皆是西方極樂。或謂心淨則是極樂。或云極樂不離這箇。若作此乃緣影心此解。皆名邪見。而余因不得以默矣。彼若謂極樂在心。即便妄認此心。住在我今身中。既在身中。但名求心。何名求生。豈我世尊不知極樂在心。而說在西方十萬億國土之外耶。又豈不能指說內心。而但能說外境耶。今西方極樂世界阿彌陀佛。現在

說法實境宛然。此是聖人誠言，焉敢不信。而不知此緣影心外之極樂，正卽是我真心。我此真心，如彼大海，不增不減，而汝妄謂爲境。汝謂極樂在緣影心，此緣影心，如

海一漚，生滅全妄，而汝妄謂爲心。汝若固執妄見，不信外有極樂，信在汝緣影心內。

者。汝緣影心無體，不可以心求生於心，而不知彼極樂雖在西方，西方卽我真心。眞

心無性，卽彼名體，以顯我心名體本空，亦卽我心而示其相。心境一體，生佛同源，求

彼佛卽求自心，非外求也。究自心，須求彼佛，豈他惑哉。如是則取捨忻厭熾然，著相

任我，所求豈復外心。心能具故，則知此心圓裹一切，依正境界，乃至色心淨穢，生佛

因果，三世十方諸法，含攝無外，同一受用。求一外相，了不可得。雖無外相，不分而分，

淨穢宛爾。故當如是而求，豈可求之於妄心也。如是願求，佛所印可，與彼世之不識

本心，愚癡無智，不求西方極樂之佛，但向自己肉團緣影妄心中求，謂是唯心淨土，

本性彌陀者，實遼遠矣。然彼極樂國土，非依緣影妄心。又彼彌陀色身，非在衆生陰

體。若向我今四大緣影身心中，求本性自己之佛，不求西方極樂之佛，則妄心生滅，

謂緣想過去五塵影子及法家生滅一塵皆名影事

此金剛圈栗棘蓬也

肉團之計雖更愚淺然與緣影同計在胸中所

以同阮無異土



佛亦生滅。佛生滅故，三昧不成。縱求有得，但成生滅之佛，還生生滅之土，不成正行。

經云：以輪迴心生輪迴見，彼圓覺性亦同輪轉，卽此義也。若欲離諸妄見，直生彼者，

許多聰利邪智，有損無益，如此。

此真正智。

但求西方十萬億國土外極樂彌陀之佛，以稱性妙觀如實觀之，使彼如來本覺相好，於彼顯現，合我衆生始覺真心，於此發明，始本相冥，生佛互感，三昧乃成，正行斯立，不生滅土，始可生也。故知此心徧一切處，尙不閒於地獄，何止極樂，但地獄苦處，今順性而求，離極樂九品，今順性而求生，但依修多羅教，順佛法音，求離苦得樂，從凡入聖，實不出吾之心性，故名唯心淨土，本性彌陀，非謂從妄心中求，妄心無體，焉得名爲唯心本性之佛耶。彼向自己緣影，妄心中求者，以色身及山河大地十方刹海爲外境也。此向自己不動真心中求者，卽十方刹海大地山河爲內心也。若知十方刹海卽內心，則打成一片，故我任意於中捨穢取淨，厭東忻西，不出自心，以實有彼大願果，佛能接引，故故求無不得。若謂十方刹海爲外境，則打作兩橛，故纔動念，便乖法體，卽失其用，不得自心，以但有此性具，因佛無力用，故故雖求無得，又妄心

求，心反失心，如此。

徹悟。